

La Quotidiana 9-12-2016, p. 19

## Per schliar la crisa da fugitivs

DA GUIU SOBIELA-CAANITZ

■ **Venderdi 9 da december al Vatican sa rimnan presidentas e presidents da var 80 citads europeicas: 21 tudestgas, t. a. Berlin, 20 talianas, t. a., Bari, Catania, Firensa, Roma, Ventimiglia euv.... e schizunt 2 libicas, t. a. Tripoli, e la citad da Tunis.** L'inscunter è promovì da la «Pontificia Accademia delle Scienze»; il titel tuna: «Ils fugitivs èn noss fragliuns.» En ses numer dals 4 da december punctuescha la gasetta «El País Catalunya» (Barcelona) il grond engaschi da sia presidenta communal Ada Colau: «Va llençar la idea de Barcelona ciutat refugi.» Tenor la revista «politico.eu» è la presidenta da Barcelona «la Spagnola la pli influenta». Era la finamira da l'inscunter chapesch'ins senza traducziun: «Attirare l'attenzione internazionale sulla minaccia alla stabilità mondiale rappresentata dal crescente numero di rifugiati sul nostro pianeta, un numero che al momento supera i 125 milioni (...). Accogliere i migranti così come arrivano (...). La priorità deve essere data a salvare vite (...). Creare un robusto sistema di assistenza per i rifugiati, consentendo loro di chiedere asilo, (...) ricollocando i più vulnerabili [flaivels'] e soddisfacendo i bisogni primari come l'istruzione e la salute»\*. Durant la dieta vul ins t. a. proponer d'«augmentar las cumpetenzas da presidents e presidentas da citads per s'occupar d'immigrads e fugitivs e per als recepir e registrar» («El País Catalunya»). Er Anne Hidalgo, presidenta da Paris, enconusch'ins per sia activitad a favur dals fugitivs. Sonda 10 december retschaiva papa Francelstg la radunanza da l'inscunter.

\* «Toscana oggi», Firensa, 4 da december 2016 (<http://www.toscanaoggi.it/Vita-Chiesa/Vaticano-il-9-e-il-10-dicembre>).